

ქ. თბილისი

26 მარტი, 2018 წელი

ერთი მხრივ, შპს „საქართველოს მელიორაცია“ (მის: ქ. თბილისი, მარშალ გელოვანის გამზ. N6), წარმოდგენილი - მისი გენერალური დირექტორის არჩილ ბუკიას სახით (შემდგომში "შემსყიდველი") და მეორე მხრივ, შპს „გუგა“ (იურიდიული მის: ქ. თბილისი, ვაშლიჯვარი, კორპ.12/ა, ბ.22) წარმოდგენილი - მისი დირექტორის ირაკლი ჯიბლაძის სახით (შემდგომში "მიმწოდებელი"), "სახელმწიფო შესყიდვის შესახებ" საქართველოს კანონის, მე-3 მუხლის, პირველი პუნქტის, ს' ქვეპუნქტის შესაბამისად და ადმინისტრაციული დეპარტამენტის, ტექნიკური უზრუნველყოფის სამსახურის უფროსის 2018 წლის 01 მარტის Nშ-3169 მოხსენებითი ბარათის საფუძველზე, ვდებთ წინამდებარე ხელშეკრულებას აკვარიუმის სილიკონის გამარტივებულ სახელმწიფო შესყიდვაზე, შემდეგ თანხაზე 240 (ორას ორმოცი) ლარი, შემდგომში ("ხელშეკრულების ღირებულება").

1. ტერმინთა განმარტებები

- 1.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას.
- 1.2. "მიმწოდებელი" ნიშნავს პირს, რომელმაც გააფორმა შემსყიდველ ორგანიზაციასთან ხელშეკრულება სახელმწიფო შესყიდვის შესახებ.
- 1.3. "ხელშეკრულება სახელმწიფო შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული დოკუმენტით - ფასების ცხრილი და ტექნიკური მახასიათებლები (დანართი N1).
- 1.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. "დღე", "კვირა", "თვე" ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს აკვარიუმის სილიკონი (შემდგომში "საქონელი"), ხოლო შემსყიდველი კისრულობს ვალდებულებას, მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.
- 2.2. შესყიდვის ობიექტების კლასიფიკატორის კოდი: CPV24500000; ERP კოდი: 4419118.
- 2.3. მისაწოდებელი საქონლის დასახელება, განზომილება, რაოდენობა და ერთეულის ფასი განისაზღვრება ფასების ცხრილის შესაბამისად (დანართი N1).
- 2.4. შესყიდვის ობიექტი შეფუთული უნდა იყოს ქარხნული წესით ისე, რომ დაცული იყოს გარემო ზემოქმედებისაგან, გარდა იმ პროდუქციისა, რომლის შეფუთვაც შეუძლებელია ქარხნული წესით.

3. ხელშეკრულების შესრულების კონტროლი

- 3.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 3.2. შემსყიდველის მხრიდან ხელშეკრულების შესრულების კონტროლს ახორციელებენ: ტექნიკური მომსახურების განყოფილების უფროსი დავით ტურიაშვილი და ცენტრალური საწყობის უფროსი კახაბერ ჭურაძე (შემდგომში "ინსპექტორების ჯგუფი").
- 3.3. ინსპექტორების ჯგუფის ფუნქციებია:
 - 3.3.1. გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
 - 3.3.2. დაადგინოს მიწოდებული საქონლის შესაბამისობა ხელშეკრულებით გათვალისწინებულ მოთხოვნებთან;
 - 3.3.3. გააფორმოს მიღება-ჩაბარების აქტი მიმწოდებელთან და უზრუნველყოს მიწოდებული საქონლის მიღება.

4. საქონლის მიწოდების ვადა და ადგილი

- 4.1. საქონლის მიწოდებას უზრუნველყოფს მიმწოდებელი საკუთარი ხარჯით, ხელშეკრულების გაფორმების თარიღიდან არაუგვიანეს 10 (ათი) სამუშაო დღის ვადაში.
- 4.2. შესასყიდი საქონლის მიწოდების ადგილია - ქ. თბილისი, ფონიჭალა, რუსთავეის გზატკეცილი N26.

5. საქონლის მიღება-ჩაბარების წესი

- 5.1. მიმწოდებლის მიერ მიწოდებული საქონელი ჩაითვლება მიღებულად მიღება-ჩაბარების აქტის გაფორმების საფუძველზე.
- 5.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 5.3. მიღება-ჩაბარების აქტი დგება საქონლის (ან მისი ნაწილის) ყოველი მიწოდების დასრულების შემდეგ.
- 5.4. საქონლის მიღება და საბოლოო შემოწმება ხდება საქონლის მიწოდების ადგილზე.
- 5.5. საქონლის (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6. ანგარიშსწორების პირობები და ვადები

- 6.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული საქონლის მოცულობის შესაბამისად, მიმწოდებლის საბანკო რეკვიზიტებზე.
- 6.2. ანგარიშსწორება განხორციელდება 10 (ათი) სამუშაო დღის განმავლობაში, გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში, თუ მიმწოდებელი არ არის დღეს-გადამხდელი, მის მიერ წარმოდგენილი უნდა იქნეს ცნობა სსიპ „შემოსავლების სამსახურიდან“) წარდგენის საფუძველზე.

„შემსყიდველი“
შპს „საქართველოს მელიორაცია“
არჩილ ბუკია
გენერალური დირექტორი

„მიმწოდებელი“
შპს „გუგა“
ირაკლი ჯიბლაძე
დირექტორი

ქ. თბილისი

26 მარტი, 2018 წელი

- 6.3. შემსყიდველი უფლებამოსილია, ხოლო მიმწოდებელი თანახმაა ხელშეკრულების 9.3 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 6.4. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

7. საქონლის საგარანტიო პირობები და ვადები

- 7.1. მიმწოდებელი იძლევა გარანტიას, რომ მიწოდებული საქონელი იქნება ახალი, ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება საქონლის ტექნიკურ მახასიათებლებს (დანართი №1).
- 7.2. მიმწოდებელი ვალდებულია გონივრულ ვადაში განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

8. ხელშეკრულების შეწყვეტა

- 8.1. ხელშეკრულება შეიძლება შეწყდეს:
 - 8.1.1. მხარეთა წერილობითი შეთანხმებით;
 - 8.1.2. ხელშეკრულების ვადის გასვლის გამო;
 - 8.1.3. 8.2 პუნქტით გათვალისწინებულ შემთხვევებში.
- 8.2. შემსყიდველი უფლებამოსილია ცალმხრივად (მთლიანად ან ნაწილობრივ) შეწყვიტოს ხელშეკრულება, თუ:
 - 8.2.1. მიმწოდებელი არ ასრულებს ან არაჯერონად ასრულებს ხელშეკრულებით ნაკისრ ვალდებულებებს;
 - 8.2.2. მიმწოდებელი სისტემატიურად ან/და უხეშად არღვევს ხელშეკრულების პირობებს;
 - 8.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული საქონლის მიწოდებას;
 - 8.2.4. მიმწოდებლის გაკოტრების შემთხვევაში;
 - 8.2.5. შემსყიდველისათვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება.

9. მხარეთა პასუხისმგებლობა

- 9.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 9.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.1 პროცენტი ყოველი ვადაგადაცილებული დღისათვის.
- 9.3. მიმწოდებელი კისრულობს პასუხისმგებლობას: მიწოდების გრაფიკით გათვალისწინებული ვადების დარღვევის შემთხვევაში, პირგასამტეხლოს სახით შემსყიდველს გადაუხადოს გრაფიკით მისაწოდებელი საქონლის ღირებულების 0.1 პროცენტი ყოველი ვადაგადაცილებული დღისათვის;
- 9.4. მხარეები თავისუფლდებიან პასუხისმგებლობისაგან:
 - 9.4.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით.
 - 9.4.2. ის მხარე, რომელიც ხელშეკრულების 9.4.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.
 - 9.4.3. ხელშეკრულების 9.4.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.

10. ფორს-მაჟორი

- 10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 10.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაუალაზავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას

„შემსყიდველი“
შპს „საქართველოს მელიორაცია“
არჩილ მუკია
გენერალური დირექტორი



„მიმწოდებელი“
შპს „გუგა“
ირაკლი ჯიბლაძე
დირექტორი



და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

11. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12. ხელშეკრულებაში ცვლილებების შეტანა

- 12.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 12.2. დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 12.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ღირებულების 10%-ზე მეტი ოდენობით გაზრდა.
- 12.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

13. ხელშეკრულების სხვა პირობები

- 13.1. ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 13.2. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითო ეგზემპლარი ინახება ხელშეკრულების მონაწილე მხარეებთან.

14. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2018 წლის 31 მაისის ჩათვლით.

15. მხარეთა იურიდიული მისამართები და საბანკო რეკვიზიტები


„შემსყიდველი“
შპს „საქართველოს მელიორაცია“
მის: თბილისი, მარშალ გელოვანის გამზ. N6
ტელ: (995 32) 2 480100.
სს თიბისის ბანკი
ა/ა GE42TB7484736020100003; ბანკის კოდი: TBCBGE22
საიდენტიფიკაციო კოდი: 204524568

„მიმწოდებელი“
შპს „გუგა“
მის: ქ. თბილისი, ვაშლიჯვარი, კორპ.12/ა, ბ.22
ტელ: (995 577) 41 20 19.
სს პროკრედიტ ბანკი
ა/ა GE58PC0223600100009914; ბანკის კოდი: MIBGGE22
საიდენტიფიკაციო კოდი: 404866141

„შემსყიდველი“
შპს „საქართველოს მელიორაცია“
არჩილ ბუკია
გენერალური დირექტორი



„მიმწოდებელი“
შპს „გუგა“
ირაკლი ჯიბლაძე
დირექტორი



ქ. თბილისი

26 მარტი, 2018 წელი

დანართი N1

ფასების ცხრილი და ტექნიკური მახასიათებლები

ERP კოდი	საქონლის დასახელება	სპეციფიკაცია	განზ.	რაოდენობა	ერთულის ფასი	საერთო ღირებულება
I	II	III	IV	V	VI	VII
4419118	აკვარიუმის სილიკონი	გამჭვირვალე, 310 გრ.	ცალი	30	8	240
ჯამი:						240

„შემსყიდველი“
შპს „საქართველოს მელიორაცია“

არჩილ ხუკია
გენერალური დირექტორი



„მიმწოდებელი“
შპს „ბუგა“

ირაკლი ჯიბლაძე
დირექტორი



ვიზირებულა:

გენერალური დირექტორის მოადგილე
გენადი კერძევაძე

იურიდიული დეპარტამენტის უფროსი
ზურაბ მარაქველიძე

ადმინისტრაციული დეპარტამენტის უფროსი
გიორგი ტყეშელაშვილი

სამართლებრივი უზრუნველყოფის განყოფილების უფროსი
ირაკლი ხორბალაძე

შესყიდვების დეპარტამენტის უფროსი
ლევან პაპაშვილი

ფასთა კვლევის, ხელშეკრულების შესრულების
ანგარიშგების სამსახურის უფროსი
თეიმურაზ ბექაური

სახელმწიფო შესყიდვების განყოფილების უფროსი
ნინო ყანჩაველი

საფინანსო-ეკონომიკური სამსახურის უფროსი
ლალი სულაბერიძე

მთავარი ბუღალტერი
მარიამ ჭურაძე



„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად შესყიდვაში მონაწილე პირების ინტერესთა კონფლიქტის არარსებობის დადასტურება

გენერალური დირექტორი
არჩილ ბუკია

კონტროლის განმახორციელებელი პირები:
ტექნიკური მომსახურების განყოფილების უფროსი
დავით ტურიაშვილი

ცენტრალური საწყობის უფროსი
კახაბერ ჭურაძე

შემსრულებელი
მამუკა სიხარულიძე



მ. სიხარულიძე

